

De figuris lapidum, &c.

nata, non ita mollis ac friabilis vt præcedentium. Cutem extimã si adimas, & expolias, nigro colore pulchrè nitabit. Accepi à rhopopola quodam, qui ex Italia attulit. is aiebat Coralliũ nigrum aliud verum esse: aliud verò spurium & ἑσώξυλον, hoc ipsum scilicet: idq̃ è Barbaria siue Africa adferri Saualia nomine. adhærere saxi in mari. extrahi autẽ è profundo ad orgyias ferè sexaginta. Interior pars, vt dixi, lignum est: inde partim cornea quædã & tenacior crusta, partim lapidea, hoc est durior fragiliorq̃, non tamen friabilis, circumnascitur. Color cutis è fusco, luteo & subuiridi cõstat. Sed crusta illa crassa & nigredine aliõve colore splendens, si polias, in minoribus tantũ ramis est, qui superiores sunt & prominent, minimo intus ligno. Crafsiores partes pleræq̃ (ni fallor, aut inferiores saltẽ) cute tantũ teguntur: quam si radas, marinus quidam & piscosus odor sentitur: & mox
lignum

Saualia,